



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

### IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2008. GODINU I POSTIZBORNOG FINANSIJSKOG IZVJEŠTAJA-LOKALNI IZBORI 2008. GODINE **STRANKE ZA BOSNU I HERCEGOVINU**

Broj: 03-07-6-1575/09  
Sarajevo, 11.05.2010. godine

## **SADRŽAJ:**

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS REVIZIJE.....	5
3.1. Predmet revizije.....	5
3.2. Cilj revizije.....	5
3.3. Obim revizije.....	5
4. PRETHODNE KONTROLE I REVIZIJE.....	5
5. NALAZI REVIZIJE I PREPORUKE.....	6
5.1. NALAZI.....	6
5.2. PREPORUKE.....	10

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine (u daljem tekstu: Služba za reviziju) je izvršila reviziju finansijskih izvještaja **Stranke za Bosnu i Hercegovinu** i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora održanih u oktobru 2008. godine.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskom izvještaju, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

**Revizijom smo utvrdili da Stranka za Bosnu i Hercegovinu u izvještajnom periodu nije postupila u skladu sa odredbama člana 6., člana 8. stav (1) i člana 11. stav (1) i stav (3) Zakona o finansiranju političkih stranaka.**

**Prema našem mišljenju, osim navedenog, revidirani finansijski izvještaji ukazuju da je Stranka za Bosnu i Hercegovinu u 2008. godini postupala u skladu sa Zakonom o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila reviziju godišnjeg finansijskog izvještaja Stranke za Bosnu i Hercegovinu za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Revizija je preduzeta u skladu sa članom 14. stav (1) Zakona o finansiranju političkih stranaka („Službeni glasnik BiH“ broj 22/00 i 102/09) i članom 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka za Bosnu i Hercegovinu je iskazala prihode u iznosu od 2.899.562,20 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk.prih. %
1	Članarina	30.396,39	1,05%
2	Prilozi fizičkih lica	31.787,50	1,10%
3	Prilozi pravnih lica	62.534,38	2,16%
4	Prihodi od imovine	1.889,86	0,07%
5	Prihodi od pr.lica	0,00	0,00%
6	Prihodi od poklona	4.844,32	0,17%
7	Prihodi iz budžeta	2.768.109,75	95,47%
	Ostali prihodi	0,00	0,00%
	<b>Ukupni prihodi:<sup>1</sup></b>	<b>2.899.562,20</b>	<b>100,00%</b>

U godišnjem finansijskom izvještaju Stranka za Bosnu i Hercegovinu je iskazala ukupne rashode u iznosu 3.305.019,85 KM.

## 2. PREDSTAVLJANJE POLITIČKE STRANKE

Naziv političke stranke: Stranka za Bosnu i Hercegovinu. Skraćeni naziv stranke je SBiH.

Politička stranka je registrovana 12.04.1996. godine u Višem sudu u Sarajevu, broj upisa R-I-2/96.

Sjedište političke stranke je u Sarajevu, ulica Maršala Tita 9a.

Lice ovlašteno za zastupanje stranke je Munib Jusufović, generalni sekretar.

Lice ovlašteno za podnošenje finansijskih izvještaja za 2008. godinu je Munir Lojo.

<sup>1</sup> Podaci koji su iskazani u tabeli preuzeti su iz korigovanog godišnjeg finansijskog izvještaja Stranke za Bosnu i Hercegovinu za 2008. godinu, koji je Centralnoj izbornoj komisiji BiH dostavljen 29.09.2009. godine.

Prema podacima iz godišnjeg finansijskog izvještaja za 2008. godinu, organizacionu strukturu<sup>2</sup> Stranke za Bosnu i Hercegovinu čine:

- Centrala SBiH,
- Klub poslanika SBiH,
- 2 regionalna odbora SBiH,
- 9 kantonalnih vijeća SBiH,
- 42 općinska/opštinska savjeta i 1 gradski savjet SBiH,
- 23 općinska/opštinska odbora SBiH,
- 1 općinsko/opštinsko vijeće SBiH i
- Žene Stranke za Bosnu i Hercegovinu Sarajevo.

### 3. OPIS REVIZIJE

**Predmet revizije je** godišnji finansijski izvještaj Stranke za Bosnu i Hercegovinu za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora održanih u oktobru 2008. godine i to sljedećih organizacionih djelova:

- Centrala Stranke za BiH Sarajevo,
- Kantonalno vijeće Stranke za BiH Sarajevo,
- Općinski savjet Stranke za BiH Srebrenica, i
- Općinski savjet Stranke za BiH Trnovo

**Cilj revizije je** da se prikupi dovoljno relevantnih dokaza kako bi se moglo izraziti mišljenje o tome da li je Stranka za Bosnu i Hercegovinu u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10. Izbornog zakona Bosne i Hercegovine.

**Obim revizije** finansijskog izvještaja Stranke za Bosnu i Hercegovinu obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i način trošenja sredstava, sa posebnim naglaskom na članarine, priloge fizičkih i pravnih lica, prihode iz budžeta i troškove predizborne kampanje.

### 4. PRETHODNE KONTROLE I REVIZIJE

Obavljena je revizija godišnjeg finansijskog izvještaja za 2006. godinu i postizbornog finansijskog izvještaja – Opći izbori 2006. Stranke za Bosnu i Hercegovinu i izdat Izvještaj o reviziji sa mišljenjem, nalazima i preporukama revizije da stranka treba da postupa u skladu sa odredbama člana 4. stav (2), člana 6., člana 8. stav (1) i člana 11. stav (3) Zakona o finansiranju političkih stranaka. Obavljen je pregled godišnjeg finansijskog izvještaja za 2007. godinu, i izdat Izvještaj o pregledu sa mišljenjem, nalazima i preporukama revizije da stranka treba da postupa u skladu sa odredbama člana 8. stav (1), člana 11. stav (1) i stav (3) Zakona o finansiranju političkih stranaka i člana 15.10 Izbornog zakona BiH.

#### Realizovane preporuke

Stranka za Bosnu i Hercegovinu je ispoštovala preporuke iz revizijskog izvještaja za 2006. godinu, i izvještaja o pregledu za 2007. godinu, u dijelu koji se odnosi na kršenje odredbi člana 4. stav (2), Zakona o finansiranju političkih stranaka i člana 15.10 Izbornog zakona BiH.

---

<sup>2</sup> Prema podacima iz dodatne dokumentacije, organizacionu strukturu čini 81 odbor Stranke za Bosnu i Hercegovinu.

## Nerealizovane preporuke

Na osnovu uočenih nedostataka u finansijskom izvještaju za 2008. godinu, utvrđeno je da politička stranka nije ispoštovala sve preporuke koje su date u navedenim izvještajima. Revizijom godišnjeg finansijskog izvještaja za 2008. godinu, utvrđeno je da Stranka za Bosnu i Hercegovinu i dalje postupa suprotno odredbama člana 6., člana 8. stav (1), člana 11. stav (1) i (3) Zakona o finansiranju političkih stranaka.

## 5. NALAZI REVIZIJE I PREPORUKE

### 5.1. NALAZI

**a) Na osnovu obavljene revizije finansijskog izvještaja, utvrđeno je da je Stranka za Bosnu i Hercegovinu postupila suprotno odredbama člana 6. Zakona o finansiranju političkih stranaka.<sup>3</sup>**

Općinski odbor Stranke za Bosnu i Hercegovinu Prijedor, Regionalni Savjet Prijedor, Općinski savjet Doboj-Jug koriste bez naknade poslovne prostorije, na osnovu ugovora o zakupu sa četiri fizička lica.<sup>4</sup> Uvidom u godišnji finansijski izvještaj za 2008. godinu utvrđeno je da Stranka za Bosnu i Hercegovinu nije prijavila priloge ovih fizičkih lica, čime je prekršila odredbe člana 6. Zakona o finansiranju političkih stranaka.

**b) Na osnovu obavljene revizije godišnjeg finansijskog izvještaja za 2008. godinu, utvrđeno je da je Stranka za Bosnu i Hercegovinu prekršila odredbe člana 8. stav (1) Zakona o finansiranju političkih stranaka.<sup>5</sup>**

- Kantonalno Vijeće Stranke za BiH Travnik primilo je prilog od JP BH Telekom u iznosu od 2.500,00 KM<sup>6</sup> koji je zabranjen Zakonom o finansiranju političkih stranaka.
- Općinski savjet SBiH Ilidža na osnovu Odluke Općine Ilidža koristi poslovni prostor površine 21 m<sup>2</sup> bez naknade.<sup>7</sup> Obzirom da visina zakupnine za I zonu iznosi 12,00 KM/m<sup>2</sup>, vrijednost nenovčane donacije koju je stranka primila od Općine Ilidža iznosi 3.024,00 KM.
- Općinski savjet SBiH Živinice koristi poslovni prostor Općine Živinice površine 19m<sup>2</sup> bez naknade. U dopisu Općine Živinice broj: 02-05-2324 stoji da je najmanja naknada za poslovni prostor 3,00 KM/m<sup>2</sup>, vrijednost nenovčane donacije koju je stranka primila od Općine Živinice, koristeći njihove poslovne prostorije bez naknade, iznosi 684,00 KM.
- Općinski savjet Stranke za BiH Banovići koristi poslovni prostor Radničkog doma u Banovićima na osnovu ugovora o zakupu sa Rudnikom mrkog uglja Banovići, bez plaćanja zakupnine<sup>8</sup>. Vrijednost nenovčane donacije koju je stranka primila od ovog pravnog lica iznosi 426,00 KM.

<sup>3</sup> Ako ukupni iznos priloga jednog lica iz stava 1. člana 4. premašuje 100,00 KM, ta uplata se mora unijeti u finansijski izvještaj u skladu sa članom 11.

<sup>4</sup> Ugovori o zakupu poslovnih prostora broj: 15319/06, 3569/07 za OO i RS SBiH Prijedor, za OS SBiH Doboj-Jug bez broja ugovora.

<sup>5</sup> Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

<sup>6</sup> Izvod sa transakcijskog računa KV Travnik broj: 51 od 12.9.2008. godine.

<sup>7</sup> Odluka o dodjeli na korištenje poslovnih prostora Općine Ilidža br. 01-02-339/08 od 19.02.2008. godine.

<sup>8</sup> Prema Ugovoru broj: 02-01/08 od 01.04.2008. godine mjesečni zakup iznosi 47,34 KM.

- Na osnovu Ugovora o zakupu sa JP BiH Pošte Sarajevo, broj: 05-6-1-704/08, Općinski savjet SBiH Cazin koristi prostorije u objektu Pošte u Cazinu, bez plaćanja zakupnine. Vrijednost nenovčane donacije koju je Stranka za Bosnu i Hercegovinu primila od ovog pravnog lica iznosi 3.234,00 KM.
- Općinski savjet Stranke za BiH Ilijaš koristi poslovni prostor Općine Ilijaš površine 19,5 M<sup>2</sup> bez naknade. U Odluci o načinu i visini plaćanja zakupnine poslovnih prostora na području Općine Ilijaš, navedeno je da je najniža zakupnina 8,00 KM/m<sup>2</sup>. Vrijednost nenovčane donacije koju je stranka primila od Općine Ilijaš iznosi 1.872,00 KM.
- Centrala Stranke za Bosnu i Hercegovinu koristi prostorije Federacije Bosne i Hercegovine u Sarajevu, u ulici Titova 9a, bez naknade. Revizijom je utvrđeno da Stranka za Bosnu i Hercegovinu nije sklopila Ugovor o korištenju poslovnih prostorija sa Službom za zajedničke poslove organa i tijela Federacije Bosne i Hercegovine.<sup>9</sup>
- Stranka je ostvarila zabranjeni prilog koristeći bez naknade poslovne prostorije u vlasništvu: Općine Novo Sarajevo,<sup>10</sup> Općine Centar<sup>11</sup> i Općine Goražde<sup>12</sup>. Takođe, Općinski savjeti Stranke za Bosnu i Hercegovinu i to: Donji Vakuf, Breza, Gračanica, Jajce, Lukavac, Sanski Most, Jablanica, Visoko, Kakanj, Bihać, Novi Grad Sarajevo, Hadžići i Kalesija, koriste poslovni prostor općinskih organa uprave bez naknade. Općinski savjet SBiH Ključ za svoj rad koristi prostorije Doma kulture u Ključu bez naknade, na osnovu ugovora sa Udruženjem žena „Ključki biseri“ iz Ključa.

**c) Stranka je prekršila odredbe člana 11. stav (1) i (3) Zakona o finansiranju političkih stranaka.**<sup>13</sup>

Finansijski izvještaj nije popunjen u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

- Centrala Stranke za BiH u godišnjem finansijskom izvještaju za 2008. godinu u ukupnim prihodima nije iskazala primljenu članarine od jednog lica iznosu od 180,00 KM,<sup>14</sup> što je suprotno odredbama člana 13. stav (1) Pravilnika.<sup>15</sup>
- Centrala Stranke za Bosnu i Hercegovinu je u toku godine iz Budžeta Bosne i Hercegovine primila sredstva na ime dijela paušala četiri poslanika stranke u Parlamentarnoj Skupštini

<sup>9</sup> Dopis Službe za zajedničke poslove organa i tijela Federacije Bosne i Hercegovine broj: 01-23-2259/08 od 15.08.2008.godine. Izjava ovlaštene osobe od 19.10.2009.godine.

<sup>10</sup> Obavjest Općine broj 058/09 od 21.07.2009. godine.

<sup>11</sup> Odluka Općinskog vijeća od 20.04.2001. godine.

<sup>12</sup> Odluka Općine Goražde.

<sup>13</sup> U skladu sa odredbama člana 11. stav (3) Zakona o finansiranju političkih stranaka, stranka podnosi finansijski izvještaj u formi koju odobri Centralna izborna komisija, a u skladu s tim donesen je Pravilnik o godišnjim finansijskim izvještajima političkih stranaka kojim su propisani sadržaj i forma finansijskog izvještaja („Službeni glasnik BiH“ broj 61/06).

Prema odredbama člana 11. stav (1) Zakona o finansiranju političkih stranaka, političke stranke su obavezne da vode evidencije o svojim prihodima i rashodima.

<sup>14</sup> Izvodi Centrale stranke broj: 8,14,24,32,41,55,57,71,84,99,109 i 118.

<sup>15</sup> U skladu sa članom 13. stav (1) Pravilnika u obrazac 3 (Ukupni prihodi političke stranke) unose se: članarine, finansijski prilozi fizičkih lica, prilozi pravnih lica, prihodi od imovine političke stranke, dobit pravnih lica u vlasništvu političke stranke, prihodi od poklona i usluga i prihodi iz budžeta.

Bosne i Hercegovine u iznosu od 4.800,00 KM. Stranka je ove prihode iskazala u obrascu 3-f godišnjeg finansijskog izvještaja. Imajući u vidu da se u skladu sa članom 19. Pravilnika o godišnjim finansijskim izvještajima političkih stranaka u obrazac 3-f finansijskog izvještaja (prihodi iz budžeta) unose samo prihodi u skladu sa članom 3. stav (1) tačka d) i članom 10. Zakona o finansiranju političkih stranaka, stranka je iznos od 3.840,00 KM u godišnjem finansijskom izvještaju trebala iskazati u obrascu priloga fizičkih lica (obrazac 3-a), a preostali dio od 960,00 KM kao članarine.<sup>16</sup>

- Kantonalno Vijeće Stranke za BiH Sarajevo ima sklopljen Ugovor o zakupu poslovnih prostorija sa Općinom Stari grad Sarajevo, mjesečni zakup sa obračunatim PDV-om iznosi 2.719,08 KM. Kontrolom ispostavljenih računa na ime zakupnine izdatih od strane zakupodavca Općine Stari grad Sarajevo, utvrđeno je da su u knjigovodstvu stranke evidentirane zakupnine samo za dva mjeseca 2008. godine i to za oktobar i decembar koje su i plaćene, a da za 10 mjeseci nisu knjiženi troškovi zakupnine u poslovnim knjigama stranke, kao i da zakupnina za isti period nije plaćena.
- Obrazac 3-f finansijskog izvještaja ( prihodi iz budžeta) nije popunjen u skladu sa članom 19. Pravilnika o godišnjim finansijskim izvještajima političkih stranaka. Centrala stranke je u pomenutom obrascu iskazala da je primila sredstva iz budžeta Parlamentarne skupštine BiH u iznosu od 8.650,00 KM, dok su prema podacima sa transakcionih računa primljena sredstva iznosila 19.000,00 KM, tako da iznos manje iskazanih sredstava iz budžeta iznosi 10.350,00 KM.<sup>17</sup>
- Stranka za Bosnu i Hercegovinu nije popunila obrazac 4 finansijskog izvještaja (ukupni rashodi političke stranke) u skladu sa članom 20. stav (2) Pravilnika o godišnjim finansijskim izvještajima političkih stranaka<sup>18</sup> jer podaci koji su iskazani u pojedinačnim obrascima troškova ne odgovaraju podacima koji su iskazani u obrascu ukupnih troškova. Naime, ukupni troškovi su iskazani u manjem iznosu za 148.288,63 KM u odnosu na zbir pojedinačnih obrazaca troškova.
- Služba za reviziju je izvršila uvid u obrasce režijsko-administrativnih i ostalih troškova (obrasci 4-1) godišnjeg finansijskog izvještaja za 2008. godinu i utvrdila da su pojedini organizacioni dijelovi Stranke za Bosnu i Hercegovinu iskazali i troškove po osnovu prenosa sredstava drugim organizacionim dijelovima, što je suprotno odredbi člana 20. stav (4) Pravilnika o godišnjim finansijskim izvještajima političkih stranaka.<sup>19</sup> Tako je Kantonalno vijeće SBiH Mostar izvršilo prenos sredstava Gradskom savjetu SBiH Mostar i Općinskim savjetima stranke: Čapljina, Jablanica, Prozor, Stolac i Konjic u iznosu od 98.700,00 KM, a KV SBiH Sarajevo sredstva Općinskim savjetima stranke: Vogošća, Ilijaš, Hadžići, Novo Sarajevo i Stari grad Sarajevo u iznosu od 115.900,00 KM, što ukupno iznosi od 214.600,00 KM. Na taj način stranka je uvećela troškove za navedeni iznos.
- Služba za reviziju je utvrdila da Stranka za Bosnu i Hercegovinu nije popunila obrazac 2 (pregled prometa svih transakcijskih računa) u skladu sa odredbama člana 11. Pravilnika o godišnjim finansijskim izvještajima političkih stranaka.

<sup>16</sup> Odluka o naknadama iz paušala za finansiranje Stranke broj: 95/2005 od 30.05.2008. godine. 10% se odbija od mjesečnog paušala što iznosi 80,00 KM mjesečno. Prema odluci br. 96 od 30.03.2005.godine članarina za funkcionere stranke na državnom nivou iznosi 20,00 KM mjesečno. Dokaz za primljeni iznos od 4.800,00 KM, uvid u izvode Centrale stranke iz 2008.godine.

<sup>17</sup> Obavijest Sekretarijata PS BiH broj: 03-50-3-349-1/09 od 11.03.2009.godine.

<sup>18</sup> U skladu sa članom 20. stav (2) Pravilnika u obrazac 4 (Rashodi političke stranke) unose se sljedeći podaci: režijsko-administrativni i ostali troškovi, troškovi propagande i ukupni rashodi u izvještajnom periodu.

<sup>19</sup> Novčana sredstva koja jedan organizacioni dio prenosi drugom organizacionom dijelu unutar političke partije ne smatra se rashodom iz stava (2) ovog člana i ne iskazuje se na Obrascu 4 iz člana 5. ovog Pravilnika.



Stranka u Obrascu 2 finansijskog izvještaja (Pregled prometa svih transakcijskih računa političke stranke) nije iskazala sljedeće račune: transakcijski račun broj 5550070020086144 otvoren kod Nove banke a.d., transakcijski račun broj 1610000016480408 i transakcijski račun broj 1610000016480602 otvoreni kod Raiffasen banke d.d. kao i transakcijski račun broj 3385702203673432 i transakcijski račun broj 5510040003326109 otvoreni kod UniCredit banke d.d. Na zahtjev Centralne izborne komisije BiH stranka je za navedene račune dostavila kopije izvoda banke. Kontrolom izvoda sa ovih računa, utvrđeno je da je stranka ostvarila promet putem ovih računa te da se radi o prenosu sredstava sa računa Centrale stranke na račune pojedinih organizacionih dijelova stranke.

- Obrasci na kojima se iskazuju prilozi fizičkih lica nisu popunjeni u skladu sa članom 14. Pravilnika o godišnjim finansijskim izvještajima političkih stranaka.

Uvidom u obrazac 3-a OO SBiH Breza utvrđeno je da je iskazana članarina u iznosu od 1.000,00 KM. Imajući u vidu da se u ovaj obrazac unose podaci o priložima, stranka je prihode po osnovu članarine trebala iskazati u obrascu 3 godišnjeg finansijskog izvještaja. Takođe, stranka u obrascima Prilozi fizičkih lica veći od 100 KM nije iskazala jedinstveni matični broj za dvadeset sedam (27) fizičkih lica koji su dali priloge stranci. Za OO SBiH Breza stranka nije iskazala ni ime i prezime kao niti jedinstveni matični broj lica koje je dala prilog u iznosu od 900,00 KM.

Služba za reviziju je, tekođe, utvrdila da je Stranka za Bosnu i Hercegovinu na obrascima 3-a (Prilozi fizičkih lica veći od 100 KM) za OS SBiH Jablanica, OO SBiH Doboju-Jug, KV SBiH Goražde, OO SBiH Prijedor, KV SBK i OS SBiH Teslić nije iskazala nazive organizacionih dijelova stranke. Osim navedenog, stranka je dostavila i neovjerene i nepotpisane obrasce priloga fizičkih lica za odbore: OO Novi Travnik, OO Sanski Most i za OO Breza.

- Obrasci 3-b finansijskog izvještaja (Prilozi pravnih lica veći od 100 KM) nisu popunjeni u skladu sa članom 15. Pravilnika o godišnjim finansijskim izvještajima političkih stranaka, jer u obrascima pojedinih odbora stranke nisu iskazani jedinstveni identifikacioni brojevi za četrdeset osam (48) pravnih lica a koji su dali priloge stranci.<sup>20</sup>
- U Obrascu 3-e finansijskog izvještaja (Nenovčane donacije i računi koje politička stranka nije imala obavezu platiti) stranka nije iskazala vrijednost primljenih poklona, a koje je ostvarila od fizičkih i pravnih lica po osnovu korištenja bez naknade kancelarijskog prostora, za rad opštinskih odbora stranke, što nije u skladu sa članom 18. Pravilnika.<sup>21</sup>
- Stranka, takođe nije iskazala ni troškove zakupa za poslovne prostore u obrascu 4-1 godišnjeg finansijskog izvještaja, čime je prekršila odredbe člana 21. Pravilnika o godišnjim finansijskim izvještajima političkih stranaka. Stranka nije iskazala troškove zakupa poslovnog prostora koji je koristilo KV SBiH Sarajevo u iznosu od 27.190,80 KM.
- Obrazac 5 godišnjeg finansijskog izvještaja (pozajmice, krediti i dugovanja) nije popunjen u skladu sa članom 23. Pravilnika o godišnjim finansijskim izvještajima političkih stranaka jer stranka nije iskazala obaveze koje je na dan 31.12.2008. godine imala Centrala SBiH i KV SBiH Sarajevo.

<sup>20</sup> OO Travnik, OS Tešanj, OS Doboju-Jug, OS Maglaj, OS Kakanj, OS Žepče, OS Zenica, OS Visoko, OS Olovo, OS Doboju-Istok, OS Srebrenik, OS Bihać i KV Travnik.

<sup>21</sup> U skladu sa članom 18. Pravilnika o godišnjim finansijskim izvještajima političkih stranaka u obrazac 3-e (Nenovčane donacije i računi koje politička stranka nije imala obavezu platiti) unose se podaci: naziv organizacionog dijela političke stranke, donator, vrsta poklona ili usluge, datum primljenog poklona ili usluge, ukupna vrijednost poklona ili usluge i vrijednost koju politička stranka nije imala obavezu da plati..

Revizijom je utvrđeno da je Centrala Stranke za Bosnu i Hercegovinu na dan 31.12.2008. godine imala obaveze prema dobavljačima u iznosu od 38.835,59 KM, a Kantonalno vijeće SBiH je imalo obaveze prema dobavljačima u iznosu od 1.292,33 KM, što ukupno čini iznos od 40.127,92 KM manje iskazanih obaveza na pomenutom obrascu.

Na osnovu navedenog utvrđeno je da stranka nije vodila adekvatne evidencije o svojim prihodima, i rashodima, kao i da u godišnjem finansijskom izvještaju nije iskazala sve prihode i rashode koje je ostvarila u 2008. godini, čime su prekršene odredbe člana 11. stav (1) Zakona o finansiranju političkih stranaka.

### **Troškovi predizborne kampanje**

Stranka za Bosnu i Hercegovinu je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 902.664,66 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>22</sup> po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Stranka za Bosnu i Hercegovinu je u svrhu izborne kampanje za Lokalne izbore 2008. godine, mogla potrošiti 1.083.761,40 KM.

## **5.2. PREPORUKE**

*Preporučuje se Stranci za Bosnu i Hercegovinu da se pridržava odredbi Zakona o finansiranju političkih stranaka i člana 15.10. Izbornog zakona BiH, a posebno na osnovu uočenih nedostataka se preporučuje:*

- *da postupa u skladu sa odredbama člana 6., člana 8. stav (1) i člana 11. stav (1) i (3) Zakona o finansiranju političkih stranaka i to :*
  - *da prijavljuje priloge fizičkih i pravnih lica bez obzira po kom osnovu su ostvareni,*
  - *da se ne finansira iz izvora koji su zabranjeni političkim strankama,*
  - *da vodi evidencije o svojim prihodima i rashodima i*
  - *da finansijske izvještaje koje podnosi Centralnoj izbornoj komisiji BiH sačinjava u formi propisanoj Pravilnikom o godišnjim finansijskim izvještajima političkih stranaka.*

### **KOMENTAR:**

Stranka za Bosnu i Hercegovinu nije se očitovala na nalaze revizije i mišljenje revizora dato u Preliminarnom izvještaju o reviziji godišnjeg finansijskog izvještaja za 2008. godinu koji je stranci dostavljen 22.04.2010. godine.

Koristimo priliku da se zahvalimo tehničkom osoblju Centrale i Kantonalnog vijeća Stranke za Bosnu i Hercegovinu u Sarajevu na korektnom i profesionalnom odnosu i visokom stepenu saradnje tokom obavljanja revizije u prostorijama stranke.

Mr. Hasida Gušić, šef Službe za reviziju

Nevenko Andan, revizor

Anela Burdžović- Kapić, pomoćnik revizora

---

<sup>22</sup> Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.